

01 香菇

徐姿華

當惜偈个細阿姨年初結婚，姨丈屋下種香菇，有當大遍个香菇寮，阿姨湊偈兜去寮，順續去菇寮剪香菇，佢講親身剪个菇特別好食；從來斯好食香菇个偈，聽阿姨恁樣講，越發想愛去，斯緊嚙¹阿姆，愛佢渡偈兜去體驗剪香菇。

阿姆斯安排一擺中部探親旅行，臨晝邊偈兜斯到細阿姨屋下咧，親家、且姆當熱情，又泡茶、又切水果招待偈兜，當晝係當特別个香菇大餐，各式各樣个菇料理，有萋萋个香菇炒豬肉絲、洋菇炒荷蘭豆、木米炒黃梨、焗到金黃、香酥个金針菇、用幾下種菇煮个湯，清甜个香菇雞、鹹香个三杯杏鮑菇，還有鹹豬肉、炊魚膠炒青菜，非常豐沛。

食飽晝，大人在屋肚坐寮、打嘴鼓，偈兜細孺仔斯在禾埕走追仔，跳上跌落、搞到汗流脈絡；阿姨兜出冰到涼涼个梅仔湯分偈兜止渴，該冰冰甜甜還合酸丟酸丟个梅仔湯一落嘴，哇！實在還爽快哪！

姨丈拿幾隻篩仔撈剪刀分偈兜，講愛渡偈兜去剪香菇，香菇寮無幾遠，行路五分鐘斯到咧；偈兜細人仔好擲擲撞等落，想愛搶最先，姨丈遽遽咄²偈兜，愛先聽佢

教仰般剪菇，正毋會爽忒旨好收个香菇。

姨丈遽遽喝偈兜，講愛先聽佢教仰仔剪香菇，正毋會打爽忒旨好收个香菇。另外一析係種咖啡色个柳松菇，較矮个架頂係歸遍个杏鮑菇；還有一搭係排在地泥下个太空包，種个係秀珍菇摺金針菇。佢山該向个壁頂，憑等歸大排種香菇个樹筒，姨丈講用樹筒種出來个香菇香氣足，做得賣較好價，毋過較難照顧。

恁大遍个香菇寮，看起來當淨俐相，隔十過分鐘斯會噴一到水霧，採光足、通風好，忒冷、忒熱也做下有控制。原旦親家公用傳統方法來種菇，姨丈摺現代科技運用在香菇寮肚，事變輕鬆、收成又較好，實在無簡單。

偈兜照姨丈个交代，細心細意剪菇，無幾久，逐隻篩仔做下張湊各色各種个菇咧。愛轉屋个時節，姨丈還送分偈兜有菇菌个太空包，愛分偈兜帶轉去練習照顧，佢講朝晨、暗晡愛噴水，一、兩禮拜斯有菇好收咧，這禮物實在當生趣，也分人當期待呢！

1 嚙：音 kiau；糾纏、煩人 2 咄：音 dod；喝斥。

02 蹶山

劉玉蕉

天吉光，狗吉吠，阿姆斯在該大聲喊咧！「阿榮啊，好跣咧，日頭愛出來哩啲！」

「阿珍妹，遽遽著鞋啲，愛出門哩啲！」

天曠光，日頭還在該睡目，偌一屋人斯目睡摸些起腳花行，共下去蹶小中崙山咧。路狹狹，草面頂个露水吉散，分偌兜个腳徑啊著，斯歸串歸串碾落地泥，一粒一粒金若若¹像珍珠樣，靚到耐毋得！偌心肝肚偷偷恁：係用佢兜來串一條珍珠骹鍊，送分阿媽戴，毋知幾靚哦！

涼爽个風，一陣一陣吹來，路脣个花花草草，分佢吹到領頭拗腰定定仔行禮，斯像該戲臺頂，盡力表演个大明星共樣。行到山下，老妹湊偌拚輸贏，看麼人做得先蹶上山崙頂去。兩儕斯恁樣頭搖搖，麼人都毋認輸，相爭拚往上。偌座大當然輸毋得，歸路毋敢停跔，氣掉氣急直直拚上山，蹶到山頂，抓等心臟，佢啊跳到硬硬像愛恬忒樣哦！

「哇！山頂个風還涼哦！」看往下，老妹還在半山排，面頰卵紅啾啾，偌看啊，廟肚个關公都無佢恁紅哦！一張嘴擘啊擘，又像細狗在該放氣，實在還生趣，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身鬆爽，吹到人

透心涼，頭下蹶山个艱苦，到這下也做下毋記得咧！樹頂絡食个鳥仔濟濟借借，跳上跳下叫無停，草竇肚个蟲仔毋願輸佢，也唧唧滾應聲。打早，山頂斯仰般鬧熱咧！眺望²該山下，遠遠个東勢，到今還蒙等³一層紗，在濛紗煙肚睡都毋知好醒呢！

「遽遽，大家看！還靚哦！」

東片个雲像點胭脂樣，紅霞紅霞，紅霞退忒，係千條萬條金色个光，對山个背後射出來，無幾久，一隻大火球，斯對山頭跳出來咧，晟到人惹毋開目，晟到濛紗遽遽藏身。日時頭个事頭，對這下正正式起勢呢！

企在山崙頂，偌兜放勢享受打早个光景，登高眺望个開闊眼界，分人心情爽快，分人知得感恩，感恩大自然賜分 佢恁好个環境。阿爸長下講：「早跣床个鳥仔斯有蟲仔好食。」到這下，偌總算體會著這句話个意思咧！

1 金若若：音 gim`na`na`；亮晶晶。

2 眺望：音 tiau`mong+；遠望。

3 蒙等：音 miang`nen`；覆蓋、遮住。